

ՆԻՍ ԲԱՅԱՆԱՅ
ՁՈՐԱՅԵԱՆՑ: Կ-
ԱԽՆԱՆԵԱԼ Ի
1884 ԱՍԻ, 72 ԱՄԱՑ:

Ծանոթ. Այստեղ՝ եկեղեցու բակում կան նաև մի քանի հոգևորականների սալատապաններ, որոնց հիշատակագրերը հարկ չհամարվեց արտագրել:

ԿՈՒՐԹԱՆ

Գտնվում է Պըլըղ (Պալըղ) և Գառգառա ջուր գետակների միակցումից գոյացած լեզվակաձև հայրության վրա: Շրջանի հնագույն բնակավայրերից է: Գյուղամիջում կանգնած է IV դարի բազիլիկ եկեղեցին: Նմանատիպ մի կիսավեր եկեղեցի էլ կա Վարդաբլուր տանող ճանապարհին, իսկ Յնեվանի ծորում կան նաև բազմաթիվ բնական քարայրներ, որոնցից մի քանիսը վեր են ածվել մատուռ-ուխտատեղիների:

Արձանագրություններ ունեցող հուշարձանները հետևյալներն են.


Ա. *Գերեզմանատուն.* գտնվում է գյուղի հյուսիսային եզրին. կան մի մատուռի ավերակ ու բազմաթիվ կանգուն և ընկած խաչքարեր. վերջիններից ամենահինը 1086 թվից է:

Բ. *Խաչքարեր՝* 3 հատ, գտնվում են Յնեվանի ծորում, «միջի գոմեր» կոչված վայրում, Պըլըղ գետակի աջ ափին. դրանց մոտ կա մի ավերակ մատուռ, գետակի վրա՝ կամուրջի մնացորդներ: Խաչքարերից երկուսի վրա կան ընդարձակ արձանագրություններ. հինը՝ 1229 թվի:

Գ. *Մտի մատուռ.* գտնվում է Յնեվանի ծորի քարափի մեջ. բնական այր է եղել, որի առաջ պատ շարելով՝ դարձրել են ուխտատեղի: Ներսում ընկած է երեսպատման մի քար՝ շինարարական արձանագրությամբ: Հավանաբար սրա մասին է Լալայանը գրել, թե աղոթատեղի է «Դռան մոտ կայ հայերեն եղծուած արձանագրութիւն» (էջ 338):

995. *ԽԱՉԲԱՐ.* գյուղի գերեզմանատանը, կողքին պատվանդանն է, եղել է ճարտարապետորեն որմնաշարված և բարձր: Մնացել են արևմտյան կողմի երեսպատման մի քանի քարերը:

Խաչքարի չորս շրջանակներին.



[Ի] ՇԼԵ (1086) ԹՎԱԿԱՆԻՍ ՀԱՅՈՑ, [Ի] ԹԱԳԱՎՈՐՈՒԹ-
Ե[Ա]Ն ԿՈՒՐԻԿԵԻ, ՀԱՐԱԶ[ԱՏ ԵՂԲ-

ԱՐ]Ք ՍԱՐԳԻՍՈ, [Դ] ԱՎԻԹՈ, ԳՈՐԳԻ ՆՈՐՈԳԵՑԱՔ ԶԱՐ
ԳՈՐԳՍ՝ ԲԱՐԵՆՈՍ ՅՈԳՈՑ ՄԵՐՈՑ:

Հրատ. Ջալալյանց, Ա, 123, «Լուծա», 1897, 239, «Ազգ.
հանդ.», VII-VIII, 339 «Լրաբեր», 1979, 9, 65, Շա-
հինյան, ՀՄԿՀ, 38:

Ծանոթ. Վերևի աջ անկյան վրա տառերը ջարդված են, **ԵՂԲԱՐՔ** բառը վերականգ-
նում ենք՝ տեղի չափը և վերջին տառը նկատի ունենալով: Ա. Շահինյանը բառը վերա-
կանգնել է **ՈՐՂԱԻՔ**. Ներքևի տողն ամբողջովին և նրա շարունակությունը ծախ շրջա-
նակին գրված են գլխիվայր և շուռ տված գրերով:

Ա. Գորգ (Գեորգ) անունը վերաբերում է խաչքարի մոտի ավերակ մատուռին, որը
նորոգել են երեք եղբայրները:

Այս և գերեզմանոցի մի խումբ խաչքարեր խնամքով պատվանդաններին է վերատե-
ղադրել պատմաբան Էմիլ Այվազյանը:

996. ԽԱՉՔԱՐ. Նույն գերեզմանատան մեջ, թիկունքին, 8 տող.

ԻԹՎ: ՈՂԵ: ԵՍ	Ի ԹՎ[ԻՆ] : ՈՂԵ: (1246), ԵՍ
ԱՃԱՏՈՐՄԱ	Ա[ՍՏՈՒԱ]ԾԱՏՈՒՐՍ[ԵԻ]Ա-
ՄՈՒՍԻՆԻՄ	ՄՈՒՍԻՆ ԻՄ,
ԳՆԵՑԻՄԱՐԿՈ	ԳՆԵՑԻ ՄԱՐԿՈ-
ՍՊԱՐՏԻՆԿԵՍ	ՍՈՅ ԱՐՏԻՆ ԿԵՍ[Ն],
ԿԱՆԿԵՑԻՄԱՆՍ	ԿԱՆԿ[Ն]ԵՑԻ ԽԱՅՉՍ
ԻԲԿՈՒԹԵՂՈՎ	Ի ՓՐԿՈՒԹԵ[ԱՆ] ՀՈԳ-
ՈՂԻՄՈՂ	ՈՅ ԻՍՈՅ:

Ծանոթ. Արտ բառը իմաստավորում է ինչպես ընդեղեն ցանած դաշտ, այնպես էլ
վարելահող, մշակովի հող: Խաչքարը հանգստարանի կենտրոնում է, բազալտե անմշակ
պատվանդանի վրա, վերին պոնտիկին 3 խաչիկներ կան, պայտածև կամարի տակ՝ մեծ
խաչը: Արձանագրությունը տողատված է հորիզոնական գծերով, որը մաշված ու
դժվարընթեռնելի է:

997. ԽԱՉՔԱՐ. Նույն տեղում, 4 տող.

ԻԹՎՉԼԳ ԿԱՆԳՆԵՑԱ
ՀԱԲԱԵԻՄԱՒԹԵՎԱՅԱՄ
ԵԱՄՈՒՆՈՒԻՐՈՍՈՓԵԵԻԶ
ԱԿԱՑԻՐՈՑԱՄԵՆ

Ի ԹՎ[ԻՆ] : ՀԼԳ: (1284) ԿԱՆԳՆԵՑԱ[Ի ԽԱ]-
ՉՍ Ի ԲԱՐԵՆԱԲՆՈՒԹԵ[ԱՆ] ՎԱՐՅԱՄ[Ա]
ԵԻ ԱՍՈՒՍՆՈ ԻԻՐՈ ՍՈՓԵ ԵԻ Ջ[ԱԻ]-
ԱԿԱՑ ԻԻՐՈՑ: ԱՄԵՆ:

Հրատ. Ջալալյանց, Ա, 124, «Ազգ. հանդ.», VII-VIII, 328,
«Լրաբեր», 1978, 4, 76:

Ծանոթ. Լալայանը բաց է թողել թիվը:

998. **ԽԱՉՔԱՐ.** փոքր, կանգնած է նույն գերեզմանատան մեջ, ներքևում, 2 տող.

✠ ԶՆԱՄԿԵՄԻԿԱՆՍ ԶԻՇԱՏԱԿԷ ՍԲ ԽԱՉՍ
ԷԼԱ ՆԻՆԵՃԱՆԱՂԻՍ ԷԼԱՋԻՆ ԵՒ ՃԱՆԱՇԻՆ:

Ծանոթ. Խաչակոթունից ձգվող խաչերը ձեռքերի մեջ են, իսկ թիկունքին կա կլոր բարձրաքանդակ:

Առաջին անունը կարելի է կարդալ նաև ԷԼԱՂԻՆ կամ ԷԼԱՇԻՆ, երկրորդը՝ ՃԱՆԱՂԻՆ (Խմբ.):

999. **ԽԱՉՔԱՐԵՐ.** Զնեվանի ծորում, Պըլըղ գետակի աջ ափին, հյուսիսայինի քիվին 1 տող, թիկունքին՝ 16.

✠ ԻԹՎԱԿԱՆՈՒ
ԹԵՍՏԱՅՈՑԻՈՅԸ
ԵՍՈՒՄԵԿԱՆԻՆ
ԵՑԻՉՄԱՇՈՒԹՆ
ԵԻԿԱՆԿՆԵՑԻՉ
ԻԱՆՍԵԻՎԱՄԱ
ՄԵՑԻՉԲԵՄԵԲԵ
ՐԻՉՋՈՒՐՍԻՅԻՅԻ
ԱԼԱԿԱՍՄԱԿԱՆ
ԱՅՎՆՅԻՆԱԿԱՄԻՄ
ՄԻԻԹԱՐԱՅՈՐՊԱՊ
ԿՈՉԻՄԱՌԻԹԻԿՆՈՉԻ
ՄՈՐԿՈՉԻՄԻՐԱՄԱՅՐ
ՈՐԲԱՐԴԱՅԲԵԲԵՐԿՐ
ՊԱԳԵՔՅԻՂԵՑԵՔԻ
ՍԲՅԱՂԱԻԹՍՃԵՐ

Ի ԹՎԱԿԱՆՈՒ
ԹԵՄԱՆՍ ՅԱՅՈՑ Ի ՈՅԸ (1229),
ԵՍ ՈՒՄԵԿԱՍ, ՇԻՆ-
ԵՑԻ ՉՄԱՏՈՒՈՆ
ԵԻ ԿԱՆԿՆԵՑԻ Չ-
ԽԱՉՍ, ԵՒ ՅԱՍՏԱ-
ՏԵՑԻ ՉԲԵՄՍ ԵՒ ԲԵ-
ՐԻ ՉՋՈՒՐՍ Ի ՅԻՄ Յ-
ԱԼԱԿԱՍՄԱԿԱՆ-
ԱՅՎԱՍՆ ՅԻՇԱՏԱԿ ՅԱԻՐ ԻՍ
ՄԽԻԹԱՐԱՅ, ՈՐ ՊԱՊ
ԿՈՉԻ, ԽԱԻՌԻԹԻ ԿՆՈՉ Ի-
Ս, ՈՐ ԿՈՉԻ ՏԻՐԱՄԱՅՐ:
ՈՐԲ ԿԱՐՊԱՅԵ ԵՒ ԵՐԿՐ-
ՊԱԳԵՔ ՅԻՇԵՑԵՔ Ի
ՍԲ ՅԱՂԱԻԹՍ ՉԵՐ:

Չրատ. Ջալալյանց, Ա, 124, «Ազգ. հանդ.», VII-VIII, 338, Շահինյան, ԶՄԿԴ, 53-54:

Ծանոթ. Արձանագրության մեջ հիշված մատուռը գտնվում է խաչքարի մոտ: Փոքրիկ թաղածածկ շինություն է եղել: Այժմ ավերակ վիճակում է: Մատուռից ոչ հեռու գտնվում է նաև մի կիսավեր կամուրջ:

Քիվի կիսաեղծ հիշատակությունը հրատարակիչները բաց են թողել, որը վերաբերում է վարպետին: Գուգարքում բեմեր են կոչվում պատվանդանների վրա իբրև սրբատեղի կանգնեցված խաչքարերը (Սանահին, Աբորի), բայց ոչ գերեզմաններին հովանի դրվածները: Ումեկի բերած ջուրը՝ սառնորակ աղբյուրը գործում է մինչ այժմ:

1000. **ԽԱՉԲԱՐ**. Նախորդից հարավ, պատվանդանի խորանների գլխին 1, քիկուն-քիկուն 11 տող.

+ԵՍԱՆԱՐԺԱՆԺԱՌԱՍ
 ՊԵՏՐՈՍՈՐԴԻԲՈՆԱՌԻ
 ՆՈՐԴԵՑԻԳԿԱՐՄՈՒԾ
 ՍԱԿԱԿԵՑԻԳԿԱԶՍԻԲ
 ԱՐԵԽԱԽՍՈՒԹԵԻՆԵԵԻ
 ՃՆՈՂԱՑԻՄՈՑՐԿԱՐԻ
 ԵՖՂԵՐԿԻՐԴԱԳԱ
 ՆԵՖԻԵՑԵՖԻԱՂԱԻ
 ԹՍՁԵՐԱԺԳՆԵՂԻՆԵ
 ԱՄԷՆ

ԹՎ[ԻՆ] ԶԹ (1260):
 ԵՍ ԱՆԱՐԺԱՆ ԾԱՌԱ ԱՅ
 ՊԵՏՐՈՍ, ՈՐԴԻ ԲՈՆԱԽՈՐԻ,
 ՆՈՐ ԾԻՆԵՑԻ ԶԿԱՐՄՈՒԾ-
 Ս ԵՒ ԿԱՆԿԵՑԻ ԶԽԱՉՍ Ի Բ-
 ԱՐԵԽԱԽՍՈՒԹԵ[ԱՆ] ԻՆՁ ԵՒ
 ԾՆՈՂԱՑ ԻՄՈՑ, ՈՐ ԿԱՐԴ-
 ԵՔ ՅԵՒ ԵՐԿԻՐԱԳԱ-
 ՆԵՔ [Յ]ԻՇԵՑԵՔ Ի ԱՂԱԻ-
 ԹՍ ԶԵՐ ԵՒ ԱԾ ԶԶԵԶ [Յ]ԻՇԵ:
 ԱՄԷՆ:

Չրատ. Զալալյանց, Ա, 124, «Ազգ. հանդ.», VII-VIII, 338,
 ՎՏ, 82, 147, Շահինյան, ՉՄԿՉ, 53:

Ծանոթ. Թվականը երկմտելի է, գրերը հազիվ են նշմարվում, որը չունեն նախորդ հրատարակիչները: Կոստանյանը տեղավորել է 1240 թվականի տակ, երևի նկատի ունենալով Բռնավոր անունը, որը այդ թվին հիշատակված է Խծկոնքի արծանագրու-թյան մեջ: **Նոր շինեցի** արտահայտությունից պարզ է, որ հին կամուրջը ավերվել է և նո-րովի վերաշինվել:

Ա. Շահինյանը չնկատելով հազիվ նշմարվող թվատառերը, զարմանք է հայտնում, թե ինչի հիման վրա է է. Լալալյանը արծանագրությունը թվագրել ՈՉԹ (1240), որից և օգտ-վել է Կ. Կոստանյանը: Վերջին տողում ԶԶԵԶ բառի Ձ տառատեղում մենք կարդում ենք Մ (ԶՄԵԶ), ինչպես երևում է գրչագրում, սակայն բովանդակային առումով ճիշտ կլիներ՝ ԶԶԵԶ: Իրականությունն այն է, որ Ձ տառից հետո փակագիր է՝ Ա տառի աջ ուղղահա-յաց ստեղծի վերևում և է, իսկ ծախ ստեղծի վերևում՝ Մ (խմբ.):

1001. **ՄԱՏՈՒՌ**. քարայր-աղոթարանի մեջ ընկած երեսապատման քարի վրա, 5 տող.

ԵՍ ԾԵՐՈՒՄ
 ՇԻՆԵՑԻԶԵ
 ԿԵՂԵՑԻՍ Ա
 ՐԴԱՂԱԶԵՄ
 ԳՄԻՍԱԷ ԼՍ Գ ՐԻՉՅ

ԵՍ ԾԵՐՈՒՆԱ,
 ԾԻՆԵՑԻ ԶԵ-
 ԿԵՂԵՑԻՍ: Ա-
 ՐԴ ԱՂԱԶԵՍ [ՅԻՇԵԼ Ի ՏՐ]:
 ՄՈՒՍԱԷԼՍ ԳՐԻԶ Յ[ԻՇԵՑԵՔ]:

Ծանոթ. Եկեղեցի ասածը, եթե արծանագրության գտնվելու վայրից դատենք, կիսա-ժայռափոր փոքրիկ շինությունն է, տեղացիներն այն անվանում են «Մութ մատուռ»: Արծանագրության վերջին տողի տառերը տարբերվում են մնացածից, ուր հիշատակ-ված է գրչի անունը: Չորրորդ տողը կարելի է լրացնել նաև ԱՂԱԶԵՍ ՅԻՇԵԼ ԶԻՍ:

1002. **ԽԱՉՔԱՐ**. գերեզմանոցում, քիվի և խորանի միջի գոտում, 1 տող.

ՅՀՆՍ ԿԶՄՈՂ

ՅՈՂՅԱՆԵՅՍ ԿԱՉՔԱՐ:

ՀԴՎԱ

Ծանոթ. Քիվին նշմարվում են տառահետքեր, բայց լուսանկարից չի ընթերցվում:
Վարպետի անունը ևս կասկածելի է:
Խաչքարն անշուք է, յուրահատուկ ժՁ-ժէ դր.:

1003. **ԽԱՉՔԱՐ**. գերեզմանոցում, քիվին, 1 տող (XIII դ.).

ՍԲԵԱԶՍ ՈՂՈՐՄԻԹԱԳՈՐԿԱՆ

ՍԲ ԽԱԶՍ ՈՂՈՐՄԻ ԹԱԳՈՐԿԱՆ:

1004. **ԽԱՉՔԱՐ**. գերեզմանոցում, քիվին, 2 տող.

ԲԵԿԶԱ(Ն)Ս ԿԱՆԳՆԵ...

ԽԱԶՍ ԽԱՆ

ՀԴՎԱ

1005. **ՏԱՊԱՆԱՔԱՐ**. գյուղամիջյան Ս. Աստվածածին եկեղեցու պատի տակ, 4 տող.

ԱՅՍԷՏԱՊԱՆՆ ԱՅՍ Է ՏԱՊԱՆՆ
ՊԱՐԱՊԻՔՈՒՎԻ ՊԱՐԱՊ ՔՈՒՎԻ,
ԳՈՒՂԻԶԻՄՆԱ ԳՈՒՂԻ ՀԻՄՆԱ-
ԴՐԻ 1722 ԴՐԻ: 1722:

ՀԴՎԱ

Ծանոթ. Գյուղը բնակեցված է եղել դեռևս մ.թ.ա. IV հազ., սակայն լքվել է XVII դ. թուրքական ցեղերի վերաբնակեցման հետևանքով, բայց վերստին հայերով բնակեցվել է ժԸ դ. սկզբում:

1006. **ՄԵՆՀԻՐԱԶԵՎ ԿՈԹՈՂ**. գյուղի մշակույթի տան բակում, զորավոր Անդրանիկի գծանկարի տակ.

ԸՆԶՅՈՒՂՎԻ ՊԻՏԻ ՈԳԻՆ ՔՈ ՄԻ ՕՐ
Ի ՎԵՐ ԲԻԲԼԻԱԿԱՆ ԱՐԱՐԱՏՆ ԱՐԾԱԹ,
ՈՐ ԻՋՆԻ ՈՐՊԵՍ ՆՈՐՕՐՅԱ ՄԻ ՆՈՅ,
ԵՎ ՇՐՋԻ ՎԱՆԻՑ, ՄՈՒՇԻՑ ՄԻՆՉ ԱՐՑԱԽ:

Ծանոթ. Հուշարձանը կառուցվել է 1990 թ. գյուղացիների հանգանակությամբ (քանդակագործ՝ Արա Մկրտումյան, ճարտարապետ՝ Դավիթ Խարազյան): Այն վերհուշ է 1918 թ. մայիսյան իրադարձություններին, երբ Անդրանիկը իր զորախմբով օգնության է գալիս կուրթանեցիներին:

1007. Կուրթան և Վարդաբլուր գյուղերի միջև.

Ի ՇԼ (1081) թուականութեան Հայոց ես կիրիկե շինեցի...

Հրատ. Ջալալյանց, Ա, 122, «Ազգ. հանդ.», VII-VIII, 354,
Ոսկյան, ԳՎ, 43:

Ծանոթ. Այս արձանագրությունը մասամբ նմանվում է Կյուրիկեի 1086 թ. արձանագրությանը: Սակայն ըստ Լալալյանցի, այն փորագրված է եղել մատուռի պատին: Ջալալյանցը վկայում է նաև գավթի գոյության փաստը: Նման նկարագրով եկեղեցական շենք Կուրթանի կամ Վարդաբլուրի շրջակայքում գոյություն չունի: Ըստ ամենայնի, չփոթմունք է:

ԿՈՂԵՍ

Գյուղամիջում, աղբյուրի մոտ գտնվում է հին գերեզմանատունը: Այդտեղ է նաև Տուտիկ իշխանի տոհմական դամբարանը: Այն եղել է գետնահարկ և թաղածածկ, այժմ չնչին հետքերն են մնացել:

Դամբարանի գլխին՝ արևելքից, կանգնած են իրար կից երեք գեղաքանդակ խաչքարեր, ճարտարապետորեն ձևավորված ընդհանուր պատվանդանի վրա. խաչքարերից մեջտեղինը ավելի մեծ է, իսկ մյուսների խաչից ներքև պատկերված են հեծյալ ռազմիկներ, ձեռքերին երկար նիզակներ և սպառազեն, ձիերը քառատրոփ վազքի դիրքով են:

Ընդհանուր պատվանդանի արևմտյան երեսով գրված է արձանագրություն:

Դամբարանի շուրջ կան այլ հասարակ խաչքարեր և տապանաքարեր:

1008. Երեք խաչքարեր. պատվանդանին, 4 տող.

ԿԱՄԱԲԱՐԵՐԱՐԻՆ ԱՅԵՍՏՈՒԹԻԿՍԵԻՄԱ ՅՐ ԻՄԹԱՄԱՐԵԻ ԱՍՈՒՄԻՆԻՄ
ԴԵԴԵԱԿԱՆԴՆԵՑԱԲԶԵՐՈՐԴՈՒ ԹԻԼԱՍՍԱՍՆԱ ԻՆԵԻՔԱԹԱՐԱԵԻՆՈՐԱԴԻՆԻՆ
ՔԱՆՇԵԿՈՐԵՆԻ ԶԵՐՍԱՆԱԲԻՆ ԱՅԵՍՏՈՒԳՄԵ ՃԵԻԱՆՍԻԹԱԲԹՈՂԻՆԶՄԻ
ՈՐԲԵՐԿՐՊԱԳ ԷԲՅԻՇԵՑԵԲԻԲՍ ԵԻ ԶԾՆ ՈՂՆՄԵՐ ԱՆ: ԹՈՂ

ԿԱՄԱԲԱՐԵՐԱՐԻՆ ԱՅ ԵՍ՝ ՏՈՒՏԻԿՍ ԵԻ ՍԱՅՐ ԻՄ ԹԱՄԱՐ, ԵԻ ԱՍՈՒՄԻՆ ԻՄ

ԴԵԴԵԿԱ, ԿԱՆԱՆԵՑԱԲ ԶԵՐՐՈՐԴՈՒԹԻ[ԻՆ], ԿԱՍՆ ՍԱՍՆԱԻՆ ԵԻ ՔԱԹԱՐԱ, ԵՎ ՆՈՐԱ-
ԴԻՆԻՆ, ՈՐԴ

Զ ԱՆՇԵՏ ԿՈՐԵՆ Ի ԶԵՌՍ ԱՆԱԲԻՆԱՑ ԵԻ ՍՈՒԳ ՄԵԾ ԵԻ ԱՆՄԽԻԹԱՐ ԹՈՂԻՆ ԶՄԵ[Զ]:

ՈՐԶ ԵՐԿՐՊԱԳԵԲ ՅԻՇԵՑԵԲ Ի ՔՍ ԵԻ ԶԾՆՈՂՍՆ ՄԵՐ: ԱՄԷՆ: Ի ԹՈՒ[ԻՍ]: ՈՂ: (1241):

Հրատ. Ջալալյանց, Ա, 127, «Ազգ. հանդ.», VII-VIII, 342,
ՎՏ, 83, Շահինյան, ՀՄԿՀ, 43:

Ծանոթ. Երրորդությունը այս դեպքում խաչքարերի խմբի անվանումն է: Այս հուշարձանը կանգնեցվել է անօրենների (թաթարների) ձեռքով նահատակված հարազատների հիշատակին և ակներևաբար այս առիթով այստեղ հիմնվել է տոհմական դամբարան: Տուտիկն ու իր կին Դետիկը նվիրատվություն են արել Հովհաննավանքին, և պատարագ ստացել (Հովհաննավանք, արձ. 43):